

## (32) مواصفات العروسة

\*\*\*\*\*

أنا عاوز أم أختارها لابني اللي لسه ماجاش  
زوا وأدب وعزيمة وكلها إحساس  
بتساعد كل الخلق بتحب كل الناس

تخط إيديها في إيديه واشيلها جوه العين

وتصلي الوقت في وقته وتصلي معاه ع الزين

أنا عاوز أم أختارها لابني اللي لسه ماجاش  
زوا وأدب وعزيمة وكلها إحساس  
تصحي م الصبح بدري تحضر لي الفطور

دايماً تقول الحق عمرها ما تشهد زور

سمرا أو بيضة أو شقره المهم طبعها

إبني اللي لسه ماجاش ها يبقي زيها

أنا عاوز أم أختارها لابني اللي لسه ماجاش  
زوا وأدب وعزيمة وكلها إحساس  
بنت عيلة وأصول أصيلة العم والخال



جمعية إبداع الثقافية ( الناس الغلابة )

ترضي وتكون مبسوطة لو أجيب خلخال

وتشيل الحمل معاه وتعده لو مال

أنا عاوز أم أختارها لابني اللي لسه ماجاش

زوا وأدب وعزيمة وكلها إحساس

تخفف عني همومي وتملا عليه البيت

وتفكرني بصلواتي لو مرة يوم سهيت

عمرها في يوم ما تشكي أو تطلع سير البيت

لو تاكل معاه بدقة أو تقللي بالزيت

دايماً بتسأل عني إن روحت ولا جيت

الله يخليكي ليّه دايماً يا ست البيت

أنا عاوز أم أختارها لابني اللي لسه ماجاش

زوا وأدب وعزيمة وكلها إحساس